

海國公餘輯錄

黃遵憲署檢

海國公餘輯錄

黃通憲君編



海國公餘輯錄

上海古籍書店復印

六冊 定價 三十七元

光緒三十三年

七九·三

海國公餘輯錄卷六

嘉應張煜南榕軒輯

弟鴻南耀軒校

目錄

東洋二國

日本

琉球

南洋濱海各國

安南

暹羅

緬甸

南洋各島

呂宋

西里百

婆羅洲

噶羅巴

暗叻

蘇門答臘

五印度及西域回部諸國

東印度

中印度

南印度

西印度

北印度

西域各回部

歐羅巴各國

歐羅巴總

我羅斯

瑞典

連馬

塞地利亞

普魯士

日耳曼

瑞士

土耳其

希臘

意大利亞

荷蘭

比利時

法蘭西

西班牙

葡萄牙

英吉利

阿非利加各國

阿非利加北土

阿非利加中土

阿非利加東土

阿非利加西土

阿非利加南土

阿非利加羣島

亞墨利加各國

北亞墨利加米利堅合衆國

北亞墨利加英吉利屬部

南北亞墨利加各國

南北亞墨利加羣島

清國公館車金

公餘輯錄卷六

嘉應張煜南榕軒輯

弟鴻南耀軒校

海國竹枝詞并序

昔尤西堂先生著外國竹枝詞百首膾炙人口然僅跼蹐一隅未嘗合五洲萬國以爲言也茲篇選材不出瀛寰全卷間參海國諸書披覽所及歌咏隨之雖故實徵求不無增益然挂一漏萬有識爲譏吾猶不憚爲之者亦以乘槎萬里托興諸篇聊吐奇氣於胸中非騁游觀於海外也

海國總

浪迹浮生一粟孤周游瀛島與蓬壺試看海外神州
九盆地還多未獻圖

輜軒竊欲效觀風不出瀛寰志略中一樣著書費心
力魏公端不讓徐公

閱盡南洋各埠頭欲徵故實費搜求此行喜至地中
海再與西人話地球

客子光陰歲屢移游踪到處愛搜奇異邦風物憑誰
記收拾行囊一卷詩

東洋二國

日本

玄開宮殿定朝儀仗列千官賀玉墀二月二旬親受
拜誰如神武闢東夷

二月二十相傳爲神
武紀元卽位之日

冶銅爲鏡似新磨對臉敷紅照翠娥一樣莊嚴留佛
相依然露坐在山坡

銅鏡一枚銅佛一尊
俱是神功皇后物

文窗人靜學塗鴉八法能諳學士家暇命奚僮勤灌
漑瑤階新種瑞香花

瑞香花
可造紙

醫院誰稱三折良薰蒸鎮日藥爐香書名木板懸門
上知是公侯鄭李莊

高官大府以二三
木板懸門楣上

歷盡神崎道路中撩人春色正蓬蓬花時爛漫濃於
酒開遍緋桃十里紅

神崎徧植桃
花約四五里

墨江三月發紅櫻人號花王費品評每到花開爭給
假賞春一半是公卿

櫻花東人稱為花王三
月花時公卿告假以賞

烟火紅燒兩國橋嬉春爭賞上元宵爬龍又追逢端

午人着綃衣撥短橈

東京兩國橋烟火所萃之地
端午日又有龍舟故事

回環引入玉川流綠水如油漲御溝鳬雁依人不驚

怯一羣飛上采菱舟

周濠州五湖水灌之
鳬雁成羣無敢弋者

凌駕紛陳寶器圖古來遺物出泥塗金蛇一紐文方

寸漢印猶存賜委奴

金印一蛇紐方寸
文曰漢委奴國王

盤飧適口問何如玉板調羹尙筍蔬別檢食單多異

品庖人新進馬鞭魚

馬鞭魚
出日本

女誠書今遍國中閨房勸學一燈紅繡針未便長拋
却贏得餘閒課婦功

曹大家女誠
亦有譯本

執役無人左右趨客中岑寂倩誰娛彼妻權借司中
饋一月清還一月租

有女曰權妻計月
輪租以贍其家

十三樣色嫁時衣黑白分明不敢違堪笑新人著新
展出門惆悵賦于歸

嫁女臨行易衣几十
三色著新展入壻家

美髮低垂委地深挽成前後髻當心梳妝別有新時
樣斜綰風流玳瑁簪

女多美髮前後
挽髻插玳瑁簪

栩栩如生貌逼真銀硝紙上鏡中身縹霞更有屏風
漆光彩熒熒影射人

髹漆之器最稱能品縹
霞絲漆尤光彩射人

左右偕行駕六騶時逢佳節作清游拓開眼界全興
在攬勝來登第一樓

第一樓在山頂
西京最高處也

支持殘局矢孤忠一旅勤王殉血紅士女也知欽節

烈聞名無不識楠公

楠正臣仗義起國難兵敗身殉

天然畫入小西湖十里公園跡未燕預約同心三五

輩明朝親去擷芙蕖

公園側有湖廣數十畝名曰小西湖

欲消清晝寄閒情百戰河山一局枰擬向朝霞臺上

去子看冷暖玉分明

日本王子來朝言園東有朝霞臺臺上有手譚池以冷暖玉爲碁子

賣茶客集市隨閒價定牙郎日幾回近日綠湯味尤

美百箱先購美人來